


冲虚至德真经

五十六

七

服部文庫
イ 17
2044
3





117
2044
3

冲虚至德真經卷第五

列子

張湛處度注

湯問第五

夫智之所限知莫若其所不知而世齊所見以限物是以大聖

發問窮理者對也

殷湯

殷湯姓子名履字天乙

問於夏革

夏棘字子棘為湯大夫○革莊

棘音

曰古初有物乎

疑直混茫而已

夏革曰古初無

物今惡得物

今所以有物故

後之人將謂今之

無物可乎

後世必復以今世為古世則古今如循環矣設令後人謂今亦無物

則不殷湯曰然則物無先後乎夏革曰物之

終始初無極已始或為終終或為始惡知其

紀今之所謂終者或為物始所謂始者然自

物之外自事之先朕所不知也謂物外事先

無所指殷湯曰然則上下八方有極盡乎湯

言也雖相荅然於視聽猶未歷然革曰不知也非

故重發此問令盡然都了以智知也湯固問革曰無則無極有則有盡

朕何以知之欲窮無而限有然無極之外復

無無極無盡之中復無無盡既謂之無何得

何得有中所謂無無極有外既謂之盡

無無盡乃真極真盡矣無極復無無極無盡

復無無盡或者將謂無極之外更有無極無

復無無盡也朕以是知其無極無盡也而不

知其有極有盡也知其無則無所不知不知湯

又問曰四海之外奚有革曰猶齊州也爾雅

之革曰朕東行至營州今之柳城古之營人民

一本自距齊至空峒十
六字無之

齊以南南戴日為丹穴北戴斗湯曰汝奚以實

極為空峒距去也齊中也

州今之柳城古之營

是也

人民

猶是也如是也問營之東復猶營也西行至函

人民猶是也問函之西復猶函也朕以是知

四海四荒四極爾雅云九夷八狄七戎六蠻謂之四海觚竹北戶西王母

日下謂之四荒東泰遠西邠國南濮鈇北祝栗謂之四極之不異是也

四荒四極義見爾雅知其不異是間則是是矣故大小相含無窮極

也含萬物者亦如含天地夫含萬物者天地也容天地者太虛也含

萬物也故不窮乾坤含化陰陽受氣庶物流形代謝相因不止於一生不

盡於一形故不窮也含天地也故無極天地籠罩三光包羅四海大則

故不窮也

大矣然形器之物會有限極窮其限極非虛

如何計天地在太虛之中則如有如無耳故

凡在有方之域皆巨細相形多少相懸推之

至無之極豈窮於一天極於一地則天地之

與萬物互相包裹迭為國邑豈能知其盈虛測其頭數者哉朕亦焉知天

地之表不有大天地者乎夫太虛也無窮天地

而容有限則天地未必形之大者亦吾所不

然則鄒子之所言蓋其掌握耳

知也夫萬事可以理推不可以器徵故信其

識也誠其耳目所聞見而不知視聽之有限

者俗士也至於達人融心智之所滯玄悟智

外之妙理豁視聽之所闕遠得物外之奇形

間者將謂寫載盡於三墳五典歸藏窮於四海九州焉知太虛之遼廓巨細之無垠天地為一宅萬物為遊塵皆拘短見於當年昧然而俱終故列子闡無內之至言以坦心智之所滯恢無外之宏唱以開視聽之所闕使希風者不覺矜伐之自釋束教者不知桎梏之自解故剗斫儒墨指斥大方豈直好奇尚異而徒為夸大哉悲夫聃周既獲譏於世論吾子亦獨以然則天地亦物也物有不足故昔者女媧媧音瓜古氏練五色石以補其闕陽陰失度三辰盈縮是便天地之闕不必形體虧殘也女媧神人故能練五常之精以調和陰陽使畧度順序不斷鼇之足鼇巨龜也以立四極必以器質相補也

其後共工氏與顓頊爭為帝怒而觸不周之

山共工氏興霸於伏羲神農之間其後苗裔恃其疆與顓頊爭為帝顓頊黃帝孫不周

山在西折天柱絕地維故天傾西北日月星

辰就焉地不滿東南故百川水潦音老歸焉湯

又問物有巨細乎有修短乎有同異乎革曰

渤海今樂安郡之東不知幾億萬里有大壑山海

焉實惟無底之谷事見大荒經詩含神霧云東注

無底其下無底稱其無底者蓋舉深之極耳

實使無底或作歸墟名曰歸墟莊子云尾間八紘九野

之水天漢之流莫不注之而無增無減焉八紘

八極也九野天之八方中其中有五山焉一

曰岱輿二曰真嶠三曰方壺一曰方丈四曰瀛洲

五曰蓬萊史記曰方丈瀛洲蓬萊此三神山在渤海中蓋常有至者諸仙人及

不死之藥皆在焉未至望之如雲欲到即引而去終莫能至其山高下周

旋三萬里其頂平處九千里山之中間相去

七萬里以為鄰居焉其上臺觀皆金玉其上

禽獸皆純縞珠玕之樹皆叢生華實皆有滋

味食之皆不老不死所居之人皆仙聖之種

一日一夕飛相往來者不可數色主反焉兩山

間相去七萬里五山之間凡二十八萬里而日夜往來者不可得數風雲之揮霍不足喻

其而五山之根無所連著直畧反若此之山猶浮於海上以此

推之則凡有形之域皆寄於太虛之中故無所根蒂常隨潮波上下往

還不得暫峙焉仙聖毒毒病也之訴之於帝帝

恐流於西極失羣聖之居乃命禺彊與隅同神仙傳

曰北方之神名禺彊號曰玄冥子山海經曰
 大荒之中有神人面鳥身名曰禺彊簡文云
 北海神也○大荒經曰北極使巨鼇列仙傳云巨鼇
 之神名禺彊靈龜為之使也
 戴蓬萊山而抃滄海之中玄中記云即巨龜也十五舉首而戴之騷離
 曰巨鼇戴山迭為三番音翻更代也六萬歲一交
 其何以安也焉五山始峙而龍伯之國有大人舉足不盈
 數反色主步而暨五山之所一釣而連六鼇合
 負而趣歸其國灼其骨以數所據反焉以高
 圍三萬里山而一鼇頭之所戴而此六鼇復
 為一鈎之所引龍伯之人能弁而負之又鑽

鈎疑鈎

其骨以上計此人之形當百餘萬里鯤鵬方
 之猶蚊蚋蚤虱耳則太虛之所受亦奚所不
 哉於是岱輿負嶠二山流於北極沈於
 大海仙聖之播遷者巨億計帝憑怒憑大侵
 子禁反滅龍伯之國使阨侵小龍伯之民使短
 至伏羲神農時其國人猶數十丈山海經云
 大荒之中有大人之國河圖玉板云從崑崙
 以北九萬里得龍伯之國人長四十丈生萬
 八千歲始死從中州以東四十萬里得焦僥國音
 焦僥短人國名也史記云焦僥氏三尺短之
 至也韋昭曰焦僥西南蠻之別名也按括地

世傳堂刊

不死子卷五

才一

志在大秦國北也

人長一尺五寸

事見詩含神霧

東北極有

人名曰諍

山海經曰東海之外

人長九寸

山見

海經詩含神霧云東北極有此人既言其大因明其小耳

荆之南有冥靈

木名也生江南以葉生為春落葉為秋

者以五百歲為春五百

歲為秋上古有大椿

木名也一名櫟

者以八千歲為

春八千歲為秋朽壤之上有菌芝者

菌其隕反崔譔

云糞土之芝也朝生暮死簡文云歛生之芝

生於朝死於晦春夏

之月有蠓蚋者

謂蠓蚋蚊蚋也二者小飛蟲也

因雨而生見

陽而死終髮北之北

莊子云窮髮

有溟海

十洲記云水黑

色謂溟海

者天池也有魚焉其廣數千里其長稱

焉其名為鯢

鯢魚也

有鳥焉其名為鵬翼若垂

天之雲其體稱焉

莊子云鯢化為鵬

世豈知有此物

哉

既其所常見習其所常聞雖語之猶將不信焉

大禹行而見之伯

益知而名

彌正反與銘同

之夷堅聞而志之

記之也夫奇

見異聞衆之所疑禹益堅豈真空言譎怪以駭一世蓋明必有此物以遣執守者之固陋

除視聽者之盲聾耳夷江浦之間生麼蟲

堅未聞亦古博物者也

世傳堂刊

才一

也。亡果反。字書云。麼小也。其名曰焦螟。羣飛而集於蚊睫。

弗相觸也。栖宿去來。蚊弗覺也。離朱子羽。方

晝拭皆在詰反。目際也。揚眉而望之。弗見其形。離朱。黃帝

時明目人。能百步望。秋毫之末。子羽未聞。觭除倚反。俞古之聰。師曠。晉

方夜音楊。耳俛首而聽之。弗聞其聲。觭俞未聞。師曠。晉

平公時人。夏革無緣得稱之。此後著書記事者。潤益其辭耳。夫用心智。賴耳目以視聽者。

未能見至微之物也。唯黃帝與容成子居空峒之上。史記

云。黃帝至于河。登空峒之山。今在禮泉郡。同齋三月。心死形廢。謂所

醴

方夜下脫
適字

心同死。灰形若枯木。徐以神視。神者。寂然玄照。而巳。不假於目。塊然見

之。若嵩山之阿。以有形涉於神明之境。嵩山未足喻其巨。徐以氣

聽。氣者。任其自然。而不資外用也。砰音普。稱反。然聞之。若雷霆之

聲。以有聲涉於空寂之域。雷霆之音。未足以喻其大也。吳楚之國。有大

木焉。其名爲櫟。山海經曰。荆山多橘柚。柚似櫟。而大皮厚味酸。櫟音柚。

碧樹而冬生。實丹而味酸。食其皮。汁已憤厥

之疾。氣疾也。齊州珍之。渡淮而北。而化爲枳焉。

周禮曰。橘。淮化爲枳。鸚鵡不踰濟。貉音鶴。似狐。善睡獸也。踰

汶

武中反

則死矣

酈元水經曰濟水出王屋山為允音銳水東經温為濟水

下入黃河十餘里南渡河為營澤又經濟陰等九郡而入海周禮云鸛鵠不踰濟貉踰汶則死此地氣使然也鄭玄云汶水在魯城北先儒相因以為魯之汶水皆大誤也案史記汶與嶧同武中反謂汶江也非音問之汶案山海經大江出汶山郭云東南逕蜀郡東北逕巴東江夏至廣陵入海韓詩外傳云昔者江出於汶山其始也足以濫觴是也又楚詞云隱汶山之清江固可明矣且列子與周禮通言水土性異則遷移有傷故舉四瀆以言之案今魯之汶水闊不踰數十里源不過二百里揭厲皆渡斯須往還豈狐貉斃游生死頓隔矣說文云貉狐類也皆生長丘陵旱地今江邊人云狐不渡江是明踰越大水則傷

本性遂

地氣然也

此事義

雖然形氣異也性

致死也 鈞已無相易已生皆全已分皆足已吾何以

識其巨細何以識其修短何以識其同異哉

萬品萬形萬性萬情各安所適任而不執則鈞於全足不願相易也豈智所能辨哉太

形王屋二山

形當作行太行在河內野王縣王屋在河東東垣縣

方七

百里高萬仞本在冀州之南河陽之北北山

愚公者

俗謂之愚者未必非智也

年且九十固山而居懲

山

韓詩外傳云懲苦也

北之塞出入之迂也聚室而謀

曰吾與汝畢力平險指通豫南達于漢陰可

乎雜然相許雜猶其妻獻疑獻疑猶曰以君

之力曾不能損魁父淮南子作魁阜之丘如

太行王屋何在魁父小山也且焉置土石雜曰

投諸渤海之尾隱土之北淮南云東北遂率

子孫荷胡可反擔者三夫叩石墾壤箕畚音本

運於渤海之尾鄰人京城氏之孀妻孀寡也有

遺男始齒初刃反韓詩外傳云男跳音調躍

女七歲或毀齒謂之齒也或作

跳誤之跳

跳誤也往助之寒暑易節始一反焉河曲智叟

笑而止之俗謂之智者曰甚矣汝之不惠以

殘年餘力曾不能毀山之一毛其如土石何

北山愚公長息曰汝心之固固不可徹曾不

若孀妻弱子雖我之死有子存焉子又生孫

孫又生子子又有子子又有孫子子孫孫無

窮匱也而山不加增何苦而不平河曲智叟

亡以應屈其理而操蛇之神聞之大荒經云

服其志也操蛇之神聞之山海神皆

林本苦作若

世說新語卷之五

執蛇懼其不已也必其不已則山會平矣世咸知積小可以高大而不悟損

多可以至少夫九層起於累土高岸遂為幽谷苟功無廢舍不期朝夕則無微而不積無

大而不虧矣今砥礪之與刀劍相磨不已則知其將盡二物如此則丘壑消盈無所致疑

若以大小遲速為惑者未能推類也告之於帝帝感其誠感愚公之

至心命夸蛾氏夸口花反二子夸蛾氏傳記所未聞蓋神力者也

負二山一厝音措朔東一厝雍南自此異之南

漢之陰無隴斷焉夫期功於旦夕者聞歲暮而致歎取美於當年者在

身後而長悲此故俗士之近心一世之常情也至於大人以天地為一朝億代為曠息志

整

懷以造事無心而為功在我之與在彼在身之與在人弗覺其殊別莫知其先後故北山之愚與娶妻之孤足以哂河曲之智夸父大

嗤一世之惑悠悠之徒可不察歟夸父荒

經云有人珥兩黃蛇踐兩黃蛇名曰夸父不量力欲追日影逐之

於隅谷之際隅谷虞淵也日所入渴欲得飲赴飲河渭

河渭不足將走北飲大澤未至道渴而死棄

其杖尸膏肉所浸生鄧林鄧林彌廣數千里

焉山海經曰夸父死棄其杖而為鄧林大禹曰六合之間四海

之內照之以日月經之以星辰紀之以四時

接或恐揮

要之以太歲神靈所生其物其形或夭或壽

唯聖人能通其道聖人順天地之道因萬物之性任其所適通其逆順

使羣異各得其方壽夭咸盡其分也夏革曰然則亦有不待神靈

而生不待陰陽而形不待日月而明夫生者自生形

者自形明者自明忽然不待殺戮而夭不待

將迎而壽自天者不由禍害不待五穀而食

不待繒纊而衣不待舟車而行其道自然自

者都無所假也非聖人之所通也聖人不違自然而萬物自運豈樂通

物哉自此章已上皆夏革所告殷湯也禹之治水土也迷而失

塗謬之一國游絕垠之外者非用心濱北海

之北不知距齊州幾千萬里距去也其國名曰

終北不知際畔之所齊子細反限無風雨霜露

不生鳥獸蟲魚草木之類四方悉平周以喬

陟爾雅云喬高曲也又云三山襲陟當國之

中有山山名壺領狀若甌擔直為反甌甄

頂有口狀若真環名曰滋穴有水湧出名曰

漬

世德堂子

卷五

三

神瀆

車輪許大，瀆沸湧出，其深無底，名曰瀆。

○山頂之泉曰瀆。

臭過蘭椒，味過醪醴，一源分為四

埒，注於山下。

山上水，流曰埒。

經營一國，亡亡音無，下同。不

悉徧，土氣和，亡札厲。

札厲，疫死也。

人性姦而從物，

不競不爭，柔心而弱骨，不驕不忌，長幼儕皆

反居，不君不臣，男女雜游，不媒不聘，緣水而

居，不耕不稼，土氣溫適，不織不衣，百年而死，

不夭不病，其民孳息阜盛也。

也阜盛也。

亡數有喜樂，亡衰

老哀苦，其俗好聲，相攜而迭謠，終日不輟音。

饑倦則飲神瀆，力志和平，過則醉，經旬乃醒。

沐浴神瀆，膚色脂澤，香氣經旬，乃歇。周穆王

北遊過其國，三年忘歸。既反，周室慕其國，愾

昌兩反。

然自失，不進酒肉，不召嬪御者數月，乃

復。管仲勉齊桓公，因游遼口，俱之其國。幾剋

舉，隰朋諫曰：「君舍齊國之廣，人民之衆，山川

之觀，殖物之阜，禮義之盛，章服之美，妖靡盈

世德堂子

卷五

三

駭疑駭

庭忠良滿朝肆咤則徒卒百萬肆疑視焉則

諸侯從命視疑亦奚羨於彼而棄齊國之社

稷從戎夷之國乎此仲父之耄柰何從之桓

公乃止以隰朋之言告管仲仲曰此固非朋

之所及也朋之知極於齊國豈知彼臣恐彼

國之不可升之也齊國之富奚戀隰朋之言

奚顧此國自不可得往耳南國之人祝祝之

孔安國注尚書云祝者斷截其髮也漢書云越人斷髮文身以避蛟龍之害一本作被恐

誤髮而裸謂不以衣蔽北國之人鞞鞞音末

人帕頭是也帕頭幪頭也帕又作鞞又作帙帕亡八反幪七消反巾而裘中

國之人冠冕而裳九土所資或農或商或田

或漁如冬裘夏葛水舟陸車默而得之性而

成之夫方土所資自然而能故吳越之用舟燕湖之乘馬得之於水陸之宜不假學

於賢智慎到曰治水者茨防決塞雖在夷越

之東有趣木又之國其長子生則鮮杜預注

人不以壽死而食之謂之宜弟其大父死負

按下文康二字林本作文
康為正文則此又康恐錯
出

其大母而棄之曰鬼妻不可以同居處楚之

南有炎去声本人之國其親戚死音其肉

而棄然後埋其骨迺成爲孝子秦之西有儀

渠又之國者其親戚死聚柴積而焚之燻則煙

上謂之登遐然後成爲孝子此上以爲政下

以爲俗而未足爲異也此事亦見墨子孔子東游見

兩小兒辯鬪都豆反問其故一兒曰我以日始

出時去人近而日中時遠也一兒以日初出

遠而日中時近也一兒曰日初出大如車蓋

及日中則如盤盂此不爲遠者小而近者大

乎一兒曰日初出滄滄初涼涼又本作滄周書曰天地之間有滄

熱善用道者終無竭孔晁注云滄寒也涼涼

桓譚新論亦述此事作愴涼晁音潮涼涼

字林云及其日中如探湯此不爲近者熱而

遠者涼乎孔子不能決也兩小兒笑曰孰爲

汝多知乎所謂六合之外聖人存而不論二童子致笑未必不達此旨或玄相

起予均天下之至理也均則理無不至也連

於形物亦然

連屬也，屬於器者亦須平焉

均髮均縣，輕重

而髮絕髮不均也

髮甚微脆，而至於不絕者，至均故也。今所以絕者，猶輕

重相傾，有不均處也均也其絕也

寧有其均也。莫絕，絕言不

人以為不然

凡人不通理也

自有知其然者也

會自有知

此理為然者，墨子亦有此說

詹何

詹何楚人，以善釣聞於國

以獨繭絲

為綸芒鉞

音亡，為鉤荆條

為竿剖粒為

餌引盈車之魚

家語曰：鯤魚其大盈車

於百認之淵汨

流之中，綸不絕，鈎不伸，竿不撓

夫飾芳餌，挂微鈎，下沈青

泥上乘驚波，因水勢而施舍，頡頏委縱，與之沈浮，及其弛絕，故生而獲也

楚王聞

而異之，召問其故，詹何曰：臣聞先大夫之言

蒲且

子余反

子之弋也

蒲且子，古善弋射者

弱弓纖繳

乘風振之，連雙鷁於青雲之際，用心專，動手

均也，臣因其事，放

分兩反

而學釣，五年始盡其

道，當臣之臨河持竿，心無雜慮，唯魚之念，投

綸沈鈎，手無輕重物，莫能亂魚見臣之鈎餌，

猶沈埃聚沫，吞之不疑，所以能以弱制彊，以

輕致重也、大王治國、誠能若此、則天下可運

於一握、將亦奚事哉、楚王曰善、善其此諭者、以諷其用治

矣、魯公扈、趙齊嬰二人有疾、同請扁鵲、史記曰、扁

鵲、渤海郡人、姓秦氏、善醫、能視病、盡見五藏之疾、求治、扁鵲治之、既

同愈、謂公扈、齊嬰曰、汝曩之所疾、自外而干

府藏者、固藥石之所已、今有偕生之疾、與體

偕長、今為汝攻之、何如、二人曰、願先聞其驗、

扁鵲謂公扈曰、汝志彊而氣弱、故足於謀而

寡於斷、志謂心、智氣謂質、性智多、故多慮、性弱故少決也、齊嬰志弱

而氣彊、故少於慮而傷於專、智少而任性、則果而自用、若

換汝之心、則均於善矣、扁鵲遂飲二人毒酒、

迷死三日、剖胷探心、易而置之、投以神藥、既

悟如初、二人辭歸、於是公扈反齊嬰之室、而

有其妻子、妻子弗識、齊嬰亦反公扈之室、有

其妻子、妻子亦弗識、二子易心、乘其本識、故各反其家、各非故形、故

識也、二室因相與訟、求辨於扁鵲、扁鵲辨

亦疑否訛

鉤口義作鉤可從同
按柱鉤易地則通
又按口義柱作柱不
可從抑張注柱元作
柱可知也

其所由訟乃已

此言恢誕乃書記少有然魏世華他能剗腸易胃前洗五

而鳥舞魚躍

鞞巴古善鼓琴人也鄭師文聞之師文鄭

棄家從師襄游

師襄亦古之善琴人也從其游學

三年不成章

按指調弦三年不能成曲

矣嫌其難教師文舍其琴嘆曰文非弦之不能鉤

非章之不能成文所存者不在弦所志者不

在聲

遺弦聲然後能盡聲弦之用也內不得於心外不應於

器故不敢發手而動弦

心手器三者玄應不相違失而後和音發

矣且小假之以觀其後無幾何復見師襄師

襄曰子之琴何如師文曰得之矣請嘗試之

於是當春而叩商弦以召南呂

商金音屬秋南呂八月律

涼風忽至草木成實得秋氣故成熟及秋而叩角弦

以激夾鍾

角木音屬春温風徐廻草木發榮

得春氣故榮華當夏而叩羽弦

以召黃鍾羽水音屬冬黃鍾十

律一月

霜雪交下川池暴涸

得冬氣故凝陰水凍及冬而

叩徵弦以激蕤賓

徵大音屬夏五月律 陽光熾烈堅

冰立散

得夏氣故消釋此一時彈琴無緣頓

且欲并言其將終命宮而摠四弦則景風翔

所感之妙耳 慶雲浮甘露降醴泉涌至和之 師襄乃撫心

高蹈曰微矣子之彈也雖師曠之清角師曠

平公奏清角一奏之有白雲從西北起再奏

之大風至而雨隨之三奏之裂帷幕破俎豆

飛廊瓦左右皆奔走平公恐伏晉國大 鄒衍

旱赤地三年平公得聲者或吉或凶也 鄒衍

之吹律齊人為燕昭王師居稷下號談天衍

著書四十九篇又有終始五十六篇

北方有地美而寒不生五穀 亡亡音 以加之

鄒子吹律煖之而禾黍滋也 彼將挾琴執管而從子之後耳薛譚學謳於

秦青二人並秦國 未窮青之技渠綺 自謂盡

之善歌者 之遂辭歸秦青弗止餞於郊衢撫節悲歌聲

振林木響遏行雲薛譚乃謝求反終身不敢

言歸秦青顧謂其友曰昔韓娥韓國善 東之

齊匱糧過音邕地名杜 門鬻歌假食既

去而餘音繞梁欂三日不絕左右以其人弗

去過逆旅逆旅人辱之韓娥因曼聲哀哭曼聲

猶長一里十一本一作老幼悲愁垂涕相對三日

不食遽而追之娥還復為曼聲長歌一里老

幼喜躍林舞弗能自禁金音忘向之悲也乃厚

賂發之遺也故雍門之人至今善歌哭放娥

之遺聲六國時有雍門子名周善琴又善哭以哭于孟嘗君伯牙善鼓

琴鍾子期善聽伯牙鼓琴志在登高山鍾子

期曰善哉峩峩兮若泰山志在流水鍾子期

曰善哉洋洋兮若江河伯牙所念鍾子期必

得之伯牙游於泰山之陰卒逢暴雨止於巖

下心悲乃援琴而鼓之初為霖雨之操更造

崩山之音曲每奏鍾子期輒窮其趣伯牙乃

舍琴而嘆曰善哉善哉子之聽夫志想象猶

吾心也言心聞合與已無異吾於何逃聲哉發音鍾子期已得其

心則無處藏其聲也周穆王西巡狩越崑崙不至音

山日入之所反還未及中國道有獻工人名偃師

中道有國獻此 穆王薦之薦當作進 問曰若有何

能偃師曰臣唯命所試然臣已有所造願王

先觀之穆王曰日以俱來日謂別日 吾與若俱觀

之翌日偃師謁見王王薦之曰若與偕來者

何人邪對曰臣之所造能倡者倡俳優也 穆王驚

視之趣音趨 步俯仰信人也巧夫領音馭音反曲

感反領猶 其頤則歌合律捧其手則舞應節

千變萬化惟意所適王以為實人也與盛姬

領口義作領

內御並觀之穆天子傳云盛姬穆王之美人 技將終倡者瞬

音舜 其目而招王之左右侍妾王大怒立欲誅

偃師偃師大懾立剖散倡者以示王皆傳會

革木膠漆白黑丹青之所為王諦料之內則

肝膽心肺脾腎腸胃外則筋骨支節皮毛齒

髮皆假物也而無不畢具者合會復如初見

如向者之始見王也 王試廢其心則口不能言廢其肝

則目不能視廢其腎則足不能步此皆以機關相使去

其機關之主，則不能相制御，亦如人五藏有病，皆外應七孔與四支也。穆王始

悅而嘆曰：人之巧，乃可與造化者同功乎？詔

貳車載之以歸。近世人有言：人靈因機關而

品咸育，運動無方，人藝羸拙，但寫載成形，塊然而已。至於巧極，則機平造化，似或依此言

而生此說，而此書既自不爾，所以明此義者，直以巧極思之無方，不可以常理限，故每舉

物極以祛近惑，豈謂物無神主也。斯失之遠矣。夫班輸之雲梯，墨翟

之飛鳶，自謂能之極也。班輸作雲梯，可以凌

飛三日不集。弟子東門賈禽滑釐。滑音骨，狸，墨

鳥

偃師之巧，以告二子，二子終身不敢語藝，而

時執規矩。時執規矩，言其不敢數之也。甘蠅古之善射者

，彀弓而獸伏鳥下。箭無虛發而獸鳥不敢逸，戰國策云：更羸虛發而鳥

也。弟子名飛衛，學射於甘蠅，而巧過其師。紀

昌者，又學射於飛衛，飛衛曰：爾先學不瞬，而

後可言射矣。紀昌歸，偃臥其妻之機下，以目

承牽挺。牽挺，機躡。二年之後，雖錐末倒，都道皆而

不瞬也。以告飛衛，飛衛曰：未也。亞。鳥嫁反，次也。本作必

學視而後可視小如大視微如著而後告

我昌以菴音毛懸虱於牖南面而望之旬日之

間浸大也三年之後如車輪焉以覩餘物皆

丘山也視虱如輪則餘物稱此而大焉乃以燕角之弧朔蓬

之箛射食亦反之貫虱之心而懸不絕以彊弓勁矢貫

得之矣紀昌既盡衛之術計天下之敵已者

一人而已乃謀殺飛衛相遇於野二人交射

中路矢鋒相觸而墜於地而塵不揚飛衛之

矢先窮窮盡也紀昌遺一矢既發飛衛以棘刺

之端扞之而無差焉於是二子泣而投弓相

拜於塗請為父子剋臂淮南子曰中國妻血越人契臂其一也許

慎云剋臂出血也以誓不得告術於人也此道

造父之始從習御也執禮甚卑秦豆三年不

告造父執禮愈謹乃告之曰古詩言良弓之

章義例已詳於仲尼篇也造父之師曰秦豆氏秦豆氏見諸雜書記

也

也

也

也

也

也

秘從未示

疏概蓋猶疎密

子必先為箕良冶之子必先為裘箕裘皆須

而後成器為弓冶者調筋角和金鐵亦然故

學者必先攻其所易然後能成其所難所以

為論也汝先觀吾趣趣行也趣如吾然後六轡可

持六馬可御造父曰唯命所從秦豆乃立木

為塗僅可容足總得安脚計步而置疏概如履之

而行趣走往還無跌失也造父學之三日盡

其巧秦豆嘆曰子何其敏也得之捷乎敏疾也捷

速也凡所御者亦如此也曩汝之行得之於足

應之於心推於御也齊輯乎輯音集說文轡

銜之際此言造父善御得車輿之齊整在於

轡銜之際喻人君得民心則國安矣

而急緩乎脣吻之和正度乎胷臆之中而執

節乎掌握之間內得於中心而外合於馬志

是故能進退履繩而旋曲中規矩取道致遠

而氣力有餘誠得其術也得之於銜應之於

轡得之於轡應之於手得之於手應之於心

則不以目視不以策驅心閑體正六轡不亂

而二十四蹄所投無差廻旋進退莫不中節

與和驚之聲相應也然後輿輪之外可使無餘轍馬蹄

之外可使無餘地未嘗覺山谷之嶮原隰之夷視之一也吾術窮矣汝其識之

夫行之所踐容足而已足外無餘而人不敢踐者此心不夷體不閑故也心夷體閑即進止有常數遲疾有常度苟盡其妙非但施之於身乃可行之於物雖六轡之煩馬足之衆調之有道不患其亂故輪外不恃無用之轍蹄外不患其亂故輪賴無用之地可不謂然也魏黑卵以暱嫌殺

丘邴章暱嫌私恨丘邴章之子來丹謀報父之讎

口義曰痕瘡痕跡也

丹氣甚猛形甚露計粒而食順風而趨雖怒

不能稱兵以報之有膽氣而體羸虛不能舉兵器也耻假力

於人誓手劍以屠黑卵黑卵悍志絕衆力抗

百夫筋骨皮肉非人類也延頸承刃披胸受

矢鏃鏑上音芒下音謬摧屈而體無痕撻負其材力

視來丹猶雛鷓也鷓音寇生而須哺來丹之

友申他音拖或音拖一本作抱曰子怨黑卵至矣黑卵

之易子過矣將奚謀焉來丹垂涕曰願子為

廿四蹄所投無差廻旋進退莫不中節

二十四蹄指二馬而言四六二十四故曰二十四蹄也

我謀申他曰吾聞衛孔周其祖得殷帝之寶
 劍一童子服之却三軍之衆奚不請焉來丹
 遂適衛見孔周執僕御之禮請先納妻子後
 言所欲孔周曰吾有三劍唯子所擇皆不能
 殺人且先言其狀一曰含光視之不可見運
 之不知有所觸也泯然無際經物而物不
 覺二曰承影將且昧爽之交日夕昏明之際
 北面而察之淡淡焉淡音艷若有物存莫識其

狀其所觸也竊竊然有聲經物而物不疾也

三曰宵練方晝則見影而不見光與日月方同色也

夜見光而不見形言其照也其觸物也驕然而過

驕呼麥反破聲又竹壁反隨過隨合覺疾而不血刃焉此

三寶者傳之十三世矣而無施於事不能害物

而藏之未嘗啓封來丹曰雖然吾必請其下

者孔周乃歸其妻子與音預齋七日晏陰之間

晏晚暮也跪而授其下劍來丹再拜受之以歸其

可執可見故
受其下者
來丹遂執劍從黑卯時黑卯之

醉偃於牖下自頸至腰三斬之黑卯不覺來

丹以黑卯之死趣而退遇黑卯之子於門擊

之三下如投虛黑卯之子方笑曰汝何蚩而

三招一本作拈奴兼反指取物也又音點予來丹知劍之不能

殺人也嘆而歸黑卯既醒怒其妻曰醉而露

我使我噙音益喉也疾而腰急其子曰疇昔來

丹之來遇我於門三招我亦使我體疾而支

疆彼其厭於染反本又我哉周穆王大征西

戎西戎獻鍔鍔之劍昆吾龍劍也河圖曰瀛州多積石名昆吾可為

劍尸子云昆吾之劍可切玉火浣音緩之布異物志云新調國有火州有火

及鼠取其皮毛為布名曰火浣其劍長尺有咫音止八寸曰咫練鋼

赤刃用之切玉如切泥焉火浣之布浣之必

投於火布則火色垢則布色出火而振之皓

然疑乎雲此周書所云皇子以為無此物傳之者

妄蕭叔曰皇子果於自信果於誣理哉此一

世德堂刊
後而說切玉刀火浣布者明上之所
載皆事實之言因此二物無虛妄者

沖虛至德真經卷第五

Blank columns for text in the right page.

沖虛至德真經卷第六

列子

張湛處度註

力命第六

命者必然之期素定之分也雖
此事未驗而此理已然若以壽
天存於御養窮達係於
智力此惑於天理也

力謂命曰若之功奚若我哉命曰汝奚功於
物而欲比朕力曰壽夭窮達貴賤貧富我力
之所能也命曰彭祖之智不出堯舜之上而
壽八百顏淵之才不出衆人之下而壽四八

仲尼之德不出諸侯之下而困於陳蔡殷紂
 之行不出三仁之上而居君位季札吳太伯
而讓位棄其室而耕後封無爵於吳田恒專
於延陵故號曰延陵季子有齊國夷齊餓於首陽季氏富於展禽若是
 汝力之所能奈何壽彼而夭此窮聖而達逆
 賤賢而貴愚貧善而富惡邪力曰若如若言
 我固無功於物而物若此邪此則若之所制
 邪命曰既謂之命奈何有制之者邪朕直而

推之曲而任之自壽自夭自窮自達自貴自

賤自富自貧命不知所所以然而然者朕豈能識

之哉朕豈能識之哉此篇明萬物皆有命則

皆肆情則制不由命義例不一以相違反然
治亂推移愛惡相攻情偽萬端故要時競其
弊孰知所以是以聖人兩存而不辨將以大
扶名教而致弊之由不可都塞或有恃詐力
以干時命者則楚子問鼎於周無知亂適於
齊或有矯天真以殖名者則夷齊守餓西山
仲由被醢於衛故列子叩其二端使萬物自
求其中苟得其中則智動者不以權力亂其
素分矜名者不以矯抑虧其形生發言
之旨其在於斯嗚呼覽者可不察哉北宮

子謂西門子曰朕與子並世也而人子達並
 族也而人子敬並貌也而人子愛並言也而
 人子庸並行也而人子誠並仕也而人子貴
 並農也而人子富並商也而人子利朕衣則
 裋音曷方言裋複襦也許慎注淮南子
豎音曷楚人謂袍為裋說文云粗衣也又
 敝布襦也又云襜褕短者曰裋褕有作短褐
 者誤荀子作豎褐揚倅注云僅豎之褐於義
 亦通

食則粢即夷反粢稻餅也味類粢
通

居則蓬室出孟康云麥糧中不破者是也
蓋謂之粗春粟麥為粢餅食之

則徒行子衣則文錦食則梁肉居則連櫪音麗
 出則結駟在家熙音怡字林
棟云歡笑也然有棄朕之
 心在朝諤然有教朕之色請謁不相及遨遊
 不同行固有年矣子自以德過朕邪西門子
 曰予無以知其實汝造事而窮予造事而達
 此厚薄之驗歟謂德有厚薄也而皆謂與予並汝之
 顏厚矣北宮子無以應自失而歸中塗遇東
 郭先生先生曰汝奚往而反僂僂丘羽反本
或作踽字

林云疏
行貌

而步有深愧之色邪北宮子言其狀
東郭先生曰吾將舍汝之愧與汝更之西門
氏而問之曰汝奚辱北宮子之深乎固且言
之西門子曰北宮子言世族年貌言行與予
並而賤貴貧富與予異予語之曰予無以知
其實汝造事而窮予造事而達此將厚薄之
驗歟而皆謂與予並汝之顏厚矣東郭先生
曰汝之言厚薄不過言才德之差吾之言厚

薄異於是矣夫北宮子厚於德薄於命汝厚
於命薄於德汝之達非智得也北宮子之窮
非愚失也皆天也非人也此自然而然非
由人事巧拙也而

汝以命厚自矜北宮子以德厚自愧皆不識
夫固然之理矣西門子曰先生止矣予不敢

復言聞理而服北宮子既歸衣其裋褐有狐貉之

溫進其菽菽菽音戎菽音叔爾雅云菽菽謂
之荏菽即胡藿也管子云齊桓

有稻粱之味庇公北伐山戎得冬葱及菽菽
布之天下鄭玄云即大豆也

一本自得上有迫田二字而迫下脫音字

其蓬室若廣廈之蔭乘其輦輅音路左傳云柴車也若

文軒之飾終身道然自得貌後楊朱篇音同不知榮辱

之在彼也在我也一達於理則外物多東郭

先生聞之曰北宮子之寐久矣一言而能寤

易怛也哉當割反或作悟者非管夷吾鮑叔牙並穎上人也

二人相友甚戚同處於齊管夷吾事公子糾

鮑叔牙事公子小白齊公族多寵嫡庶並行

齊僖公母弟夷仲年生公孫無知僖公愛之令禮秩同於太子也國人懼亂

管仲與召本作邵忽奉公子糾奔魯糾襄公之次弟鮑

叔奉公子小白奔莒音舉小白糾之次弟既而公孫無

知作亂襄公立紂無知秩服遂殺襄公而自立國人尋殺之齊無君二

公子爭入管夷吾與小白戰於莒道射食亦反

中小白帶鉤小白既立小白即桓公也脅魯殺子糾

召忽死之管夷吾被囚齊告魯曰子糾兄弟弗忍加誅請殺之召

忽管仲讐也請得而甘心醢之不然將滅魯魯患之遂殺子糾召忽自殺管仲請囚也

鮑叔牙謂桓公曰管夷吾能可以治國桓公

曰我讎也願殺之鮑叔牙曰吾聞賢君無私怨且人能為其主亦必能為人君如欲霸王

于况非夷吾其弗可君必舍音之遂召管仲

魯歸之齊鮑叔牙郊迎釋其囚桓公禮之鮑叔

親迎管仲於堂阜而脫其桎梏於齊郊而見桓公也而位於高國之上

鮑叔牙以身下之高國齊之世族任以國政號曰仲

父桓公遂霸管仲嘗嘆曰吾少窮困時嘗與

鮑叔賈音分財多自與鮑叔不以我為貪知

我貧也吾嘗為鮑叔謀事而大窮困鮑叔不

以我為愚知時有利不利也吾嘗三仕三見

逐於君鮑叔不以我為不肖知我不遭時也

吾嘗三戰三北鮑叔不以我為怯知我有老

母也公子糾敗召忽死之吾幽囚受辱鮑叔

不以我為無耻知我不羞小節而耻名不顯

於天下也生我者父母知我者鮑叔也此世

稱管鮑善交者小白善用能者然實無善交

實無用能也實無善交實無用能者非更有

善交更有善用能也此明理無善交用能非但管鮑桓公而已召

忽非能死不得不死鮑叔非能舉賢不得不

舉小白非能用讎不得不用此皆冥中自相驅使非人理所

也制及管夷吾有病小白問之曰仲父之病疾

矣可不諱云言病之甚不可復諱而不言也至於大病則寡

人惡乎屬國而可夷吾曰公誰欲歟小白曰

鮑叔牙可曰不可其為人潔廉善士也清已而已

其於不已若者不比之人欲以已善一聞人

之過終身不忘不能棄使之理國上且鈎乎

君下且逆乎民必弘引君令其道不弘道苟其

得罪於君也將弗久矣小白曰然則孰可對

曰勿已則隰朋可非君然其為人也上忘而

下不叛居高而自忘則愧其不若黃帝而哀

不已若者慙其道之不及聖矜其民以德分

人謂之聖人化之使合道以財分人謂之賢

君疑若訛

世德堂刊

列子卷六

六一

人既以與人以賢臨人未有得人者也求備於人

則物所以以賢下人者未有不得人者也與物升降

者物必歸其於國有不聞也其於家有不見也行道

則不煩聞見故曰不勿已則隰朋可郭象曰

瞽不聾不能成功見則事鍾於已而羣下無所措其手足若然則

管夷吾非薄鮑叔也不得不薄非厚隰朋也

不得不厚厚之於始或薄之於終薄之於終

或厚之於始厚薄之去來弗由我也皆天理也鄧

析析音錫鄧析著書二篇鄭人也與子產並

昭公二十年子產卒定公九年駟顯殺鄧析而用其竹刑則非子產所殺也操刀

反兩可之說設無窮之辭當子產執政作竹

刑竹刑簡法鄭國用之數難子產之治子產屈之

子產執而戮之俄而誅之此傳云子產誅鄧

鄧析而用其竹刑子產卒然則子產非能用

竹刑不得不用鄧析非能屈子產不得不屈

子產非能誅鄧析不得不誅也此義例與可

威一作威 下同

以生而生

或積德復仁或遇時而通得當年之歡騁於一已之志似由報應若

出智天福也

自然生耳自然泰耳未必由仁德與智力然交履信順之行得

騁一已之志終年而無憂虞非天福如之何也可以死而死

或積惡行暴或

饑寒窮困故不顧刑戮不賴生存而天福也

威之於死似由身招若應事而至也

自然死耳自然窮耳未必由凶虐與愚弱然肆凶虐之心居不賴生之地而威之於死是

亦曰天福者也可以生而不生

居榮泰之地願獲長年而

早天罰也

願生而不得生可以死而不死

辱之地不願生天罰也

輕死而不之可以生

可以死得生得死有矣

此之生而得生此之死而得死不可

以生不可以死或死或生有矣

此義之生而更死之死而

更生者也此二句上義已該之而重出疑書誤然而生生死死非物

非我皆命也智之所無奈何

生死之理既不可測則死不由

物生不在我豈智之所必故曰窈然無際天道自會漠然

無分天道自運

無際無分是自然之極天地

不能犯

天地雖大不能違自然也聖智不能干

運鬼魅不能欺

鬼魅雖妖不能詐其正也自然者默之成

之默無也平之寧之平寧無所施為將之迎之功無遺喪似若

將也楊朱之友曰季梁季梁得疾七日大漸漸劇

也其子環而泣之請醫季梁謂楊朱曰吾子

不肖如此之甚汝奚不為我歌以曉之楊朱

歌曰天其弗識人胡能覺匪祐自天弗孽由

人我乎汝乎其弗知乎醫乎巫乎其知之乎

言唯我與汝識死生有命耳非醫巫所知也其子弗曉終謁三醫

不解楊朱歌皆謂與已同也一曰矯氏二曰俞氏三曰

盧氏診其所疾矯氏謂季梁曰汝寒温不節

虛實失度病由飢飽色欲精慮煩散非天非

鬼雖漸可攻也季梁曰衆醫也音棘亟音屏屏音上聲

除也之俞氏曰女始則胎氣不足乳湏音竹用反

汁也有餘病非一朝一夕之故其所由來漸

矣弗可已也季梁曰良醫也且食音嗣之盧

氏曰汝疾不由天亦不由人亦不由鬼稟

生受形既有制之者矣亦有知之者矣夫死

生之分修短之期咸定於無爲天理之所藥
制矣但愚昧者之所惑玄達者之所悟也
石其如汝何季梁曰神醫也重貺遣之俄而
季梁之疾自瘳生非貴之所能存身非愛之
所能厚生亦非賤之所能夭身亦非輕之所
能薄故貴之或不生賤之或不死愛之亦不
厚輕之或不薄此似反也非反也此自生自
死自厚自薄或貴之而生或賤之而死或愛
之而厚或輕之而薄此似順也非順也此亦

自生自死自厚自薄鬻熊語文王

鬻熊文王師也

曰

自長非所增自短非所損算之所亡

音無若何

算猶智也

老聃語關尹曰天之所惡孰知其故

王弼

曰孰誰也言誰能知天意耶其唯聖人也

言迎天意揣利害不如

其已

夫順天理而無心者則鬼神不能犯人事不能干若迎天意料倚伏處順以去

逆就利而違害此方與逆害爲巨對用智之精巧者耳未能使吉凶不生禍福兼盡也

楊布

楊朱弟也

問曰有人於此年兄弟也言兄弟

也才兄弟也貌兄弟也而壽夭父子也貴賤

父子也名譽父子也愛憎父子也吾惑之揚
 子曰古之人有言吾嘗識之音志將以告若不
 知所以然而然命也自然之理故今昏昏昧
 昧紛紛若若隨所為隨所不為日去日來孰
 能知其故皆命也夫信命者亡音無壽天有壽
 天則信理者亡是非有是非信心者亡逆順
 非命則非理信性者亡安危有安危則謂之都亡
 則非心有逆順信性者亡安危則非性則謂之都亡
 所信都亡所不信與不信也真矣慤矣奚去

奚就奚哀奚樂奚為奚不為理苟無心則無所不為亦無所
 也為黃帝之書云至人居若死動若械此舉無心之極
 亦不知所以居亦不知所以不居亦不知所
 以動亦不知所以不動亦不以衆人之觀易
 其情貌亦不謂衆人之不觀不易其情貌不為
 外物視聽改其度也獨往獨來獨出獨入孰能礙之往物
 亦往物來亦來任物出入故莫有礙墨尿音眉方言墨尿江淮
 云墨音目尿作歎自此二十人智巧才行兩
 兩相背而能相與和同終年者各任其真性

一本無而字

故也。○尿單音戰至音啞嘽音然咍音鄭玄注禮記

腹貌。咍許爰反。心慙音敷慙音敷此皆默詐

貌。四人相與游於世胥如如隨也謂志也窮

年不相知情自以智之深也巧佞愚直婢魚

反斫音酌婢斫容止峭獻也字便音房連辟音婢

○婢斫不解悟之貌四人相與游於世胥如

志也窮年而不相語魚據術自以巧之微也

穆音苦交怛音口家反阮孝緒云恐怛情露無所

讓音蹇極音棘字林云極吃也方言讓吃也極

背也或作極凌誅凌誅謂好陵辱責罵人也

聚律反誅音碎此皆四人相與游於世胥如

志也窮年不相曉悟自以為才之得也眠莫

反媿音珍方言媿欺慢之語也誣音止累音

如偽反○鈍滯也爾雅云誣誣累去勇敢怯

疑四人相與游於世胥如志也窮年不相謫

發音謫謂責其過也自以行無戾也多偶音多

去字衍

世志堂刊

川之卷六

三

相和諧也廣自專謂自專擅不與衆同也乘權謂乘用權勢也

隻立孤獨自立四人相與游於世胥如志也窮年

不相顧眄自以時之適也此衆態也其貌不

一而咸之於道命所歸也俛俛姑危反幾欲之貌成

者俏音肖俏似也成也初非成也俛俛敗者俏敗

者也初非敗也世有幾得幾失之故迷生於

俏惑其以成敗而不由也俏之際昧然於俏而不

昧然冥昧難分耳則不駭外禍不喜內福禍

豈有內外皆理之玄定者也見其卒起隨時動

隨時止智不能知也動止非我則非智所識也信命者於

彼我無二心無喜懼之情也於彼我而有二心者不

若揜目塞耳背坂面墮亦不墜仆也此明用智計之

故曰死生自命也若其非命則仁智者必壽凶愚者必

貧窮自時也若其非時則勤儉者必富而奢情者必貧亦未

然怨夭折者不知命者也然貧窮者不知時

者也此皆不識自然之理當死不懼在窮不戚知命安

士五言句 卷六

時也其使多智之人量利害料虛實度人情

得亦中

或陟冲反半也下同

中亦中

也中半

其少

智之人不量利害不料虛實不度人情得亦

中亡亦中量與不量料與不料度與不度奚

以異唯亡所量

不後也

亡所不量

任智之所知也

則全

而亡

音無

喪亦非知

音智下

全亦非知喪自全

也自亡也自喪也

自全者非用心之所能自敗者非行失之所致也

齊景公游於牛山

今北海郡臨淄縣

北臨其國城而

流涕曰美哉國乎鬱鬱芊芊

音干廣雅云芊芊茂盛之貌

若何滴滴

或作滂滂並皆步即反流蕩貌

去此國而死乎使

古無死者寡人將去斯而之何史孔梁丘據

皆從而泣曰臣賴君之賜䟽食

音嗣韓詩外傳全有此章

云䟽食惡肉可得

惡肉可得而食駑馬稜

當作

棧晏子春秋及諸書皆作棧車謂編木為之棧土限反

車可得而乘也

且猶不欲死而况吾君乎晏子獨笑於旁公

雪涕而顧晏子曰寡人今日之游悲孔與據

皆從寡人而泣，子之獨笑，何也？晏子對曰：使賢者常守之，則太公桓公將常守之矣；使有勇者而常守之，則莊公靈公將常守之矣；數君者將守之，吾君方將被蓑笠而立乎畎畝之中，唯事之恤，行假念死乎？行假當作何暇則吾君又安得此位而立焉？以其迭處之迭去之，至於君也，而獨爲之流涕，是不仁也。見不仁之君，見諂諛之臣，臣見此二者，臣之所爲獨竊

笑也。景公慙焉，舉觴自罰。罰二臣者，各二觴焉。魏人有東門吳者，其子死而不憂，其相室曰：公之愛子，天下無有，今子死不憂，何也？東門吳曰：吾常無子，無子之時不憂，今子死，乃與嚮無子同，巨奚憂焉？農赴時，商趨利，工追術，仕逐勢，勢使然也。然農有水旱，商有得失，工有成敗，仕有遇否，命使然也。自然冥運也

